

Ania dagiti Pagrebbengan dagiti Nagannak?

- Ammuen dagiti kabagian a mabalin a masindadaan a mangipaay iti paglugaran ken pagtaripatuan para iti ubing;
- Makipartipar kadagiti panagsarungkar iti ubing, malaksid no inkeddeng ti korte a saan a mabalin dagiti panasarungkar;
- Atendaran amin dagiti bista iti korte;
- Pakaammuan ti korte kadagiti baro nga impormasion;
- Suroten ti amin a bilin ti korte;
- Makipartipar iti panagplano iti kaso;
- Pagtalinaeden ti pannakikontak iti case worker ken abogado ken mangted iti napabaro nga impormasion ti pangkontakan (telepono ken address);
- Makipatang iti case worker ken abogado maipapan iti ubing ken iti kaso, nangruna no adda dagiti saludsod wenno no masapul dagiti nagannak ti tulong maipapan kadagiti serbisio;
- Makipartipar kadagiti imbilin ti korte a serbisio, isayangkat dagiti panggep a panagdur-as, ken ipakita dagiti panagbaliw ti galad a nakalista iti Family Service Plan;
- Makipartipar iti edukasion ken pannakataripato ti salun-at ti ubing; ken
- Makipartipar iti panagtataripnong ti pamilia ken sabali a panagpapatang para iti kaso.



Ania dagiti Pagrebbengan dagiti CWS Case Worker?

Regular a makisao kenka ti CWS caseworker maipanggep kadagiti karbengam, dagiti pagrebbengam, ken dagiti ekspektarem.

- Mangiwayat kadagiti agdama a pannakaamiris ti kinatalged ti ubingyo;
- Ammuen ken pakaammuan dagiti kabagian ti ubing a mabalin a kayatda ti mangipaay iti paglugaran;
- Mangiwayat kadagiti agdama a pannakaamiris kadagiti kasapulan dagiti nagannak;
- Ikonsulta dagiti nagannak kadagiti maitutop a serbisio iti wagas a husto nga oras;
- Kitaen no maitutop dagiti mangipapaay iti serbisio nga insingasing dagiti nagannak;
- Bantayan ti progreso dagiti nagannak kadagiti serbisio;
- Binulan a sarungkar ti ubing, dagiti nagannak, ken ti paglugaran ti pamataudan iti panagtarakan;
- Kanayonen nga impormaran dagiti nagannak maipapan iti panagdur-as ken progreso ti ubing;
- Ammuen no kaano a mabalin nga agtalinaed iti pagtaengan ti ubing nga addaan plano iti kinatalged;
- No mangaramid ti CWS kadagiti panagbaliw iti pannakailugar ti ubing wenno iti plano ti panagsarungkar, pakaammuan dagiti nagannak babaen ti telepono wenno iti panagsurat dua a lawas a nasapsapa wenno iti uneg ti tallo nga aldaw ti tarabaho, no adda maysa nga emergency; ken
- Pakaammuan a madagdagus dagiti nagannak ken GAL babaen ti telepono wenno iti panagsurat makaawat ti CWS iti report ti pannakadangran wenno pangta ti panangdangran iti ubing kabayatan ti kaaddana iti pagtarakan.



Panagplano iti Concurrent Permanency

Tarabay para kadagiti Pamilia

Aktibo a makikadkadua ti Child Welfare Services kadagiti kameng ti familia.

Bigbigenna ti familia a kas eksperto kadagiti bukodda a situasion ket pabilegenna ida kabayatan ti pannakakiduana.



Amin nga ubbing ken agtutubo masapulda ken maikarida iti maysa a familia ken maysa a permanente a lugar a maawagan iti pagtaengan. Masapul dagiti ubbing ti estabilidad kadagiti pannakirelasyon, komunidad, ken sistema ti suporta tapno mailungalong iti nasalun-at a panagtanor ken panagdur-asda. Saan a maiparbeng nga iti pagtarakan a tumanor dagiti ubbing. Masapul a maisayangkat dagiti panggep ti permanency apaman a simrek ti ubbing iti pagtarakan.

Ania ti Concurrent Permanency Planning?

Kayat a sawen ti concurrent permanency planning ket dua nga aggidan a panggep a permanency ti maammuan iti rugi ti kaso ket ti Child Welfare Services (CWS) ti mangplano tapno magun-od nga agpada dagiti dua a panggep. Kaipapananna daytoy nga agkadua nga agrabaho ti CWS ken dagiti nagannak para iti pannakaisubli ti ubing iti pagtaengan ti familia ken ti pannakaiserra ti kaso (pannakaitipon manen) ken agplanonto para iti posibilidad a mabalin nga awan ti natalged a pagtaengan a pagsublian ti ubing iti uneg ti nainkalinteg a panawen ket mabalin a masapul ti maysa nga alternatibo a permanente a caregiver babaen ti panangampon, pannakaikabil iti legal a pannakaaywan, wenno iti permanente a caregiver agingga a madanonna ti edad 18.

Ania dagiti Permanency Timeline?

***Iti uray kada innem a bulan,** adda review hearing a pangkitaan ti hues iti kasasaad ti kaso ket ammuenna:

- Ti progreso ti panangresolba ti familia kadagiti pakaseknan ti kinatalged;
- Ti kinatalged ti ubing, ti agtultuloy a panagkasapulan iti paglugaran iti ruar ti pagtaengan, ken ti kinamaitutop ti agdama a paglugaran;
- No umaw-awat kadagiti umisu a serbisio ken pannakataripato;
- Ti kinamaitutop dagiti napagtutulan a panagsarungkar;
- No umisu ti pannakaiwayat ti plano a kaso, ti natungpal ti tunggal partido a nangsuot iti plano ti kaso, ken naiturong dagiti aktibidad ti CWS iti pannakagun-od ti permanente a pakailugaran para iti ubing; ken
- Ti manamna a petsa a panagsubli ti ubing iti pagtaenganna wenno ti pannakaipanna a permanente iti ruar ti pagtaengan.

***Iti uray kada 12 a bulan,** adda maiwayat a permanency hearing a pangammuan PAY ti hues:

- No nangaramid ti CWS iti nainkalinteg a panangiyawat tapno maipan dagiti agkabsat nga agkadua ken maipaayan dagiti agkabsat iti kankanayan a pannakasarungkar wenno sabali pay a pannakikontak no agaddayoda iti pagnanaedan;
- No nangisayangkat ti CWS iti nainkalinteg a panangiyawat tapno maipaayan kadagiti serbisio ti familia a nasisita para iti ubing tapno makasubli iti pagtaenganna ken tapno magun-od ti panagtipon manen;
- No maitutop ti agpada a maigidgidan a plano, wenno no masapul nga agbaliw dagiti panggep para iti kinapermanente;
- No nakonsulta ti ubing iti wagas a maibagay iti edadna maipanggep kadagiti panggep ti kinapermanente; ken
- No masapul nga ipinalen ti CWS ti alternatibo a panggep ti kinapermanente.

***PALAGIP:** Mabalin nga agbaliw ti timeline depende kadagiti sirkumstansia.

Ania dagiti Panggep ti Permanency?

Pannakitipon manen. Ti nangruna a panggep ket tapno maitipon manen ti ubing kadagiti nagannakna iti kabiitan a panawen. Makipagobra ti caseworker kadagiti nagannak tapno mabukel ti maysa a plano ti kaso a naaramid kadagiti pagpigsaan ti familia ken sungbatanna dagiti pakaseknan iti kinatalged ti ubing. Maikonakta dagiti familia kadagiti napateg a serbisio kabayatan a mapatpatalinaed dagiti koneksion ti familia ken kultura. Maipasigurado met kadagiti familia ti maysa a plano ti panagsarungkar para iti regular a pannakikontak iti ubing.

Pannakaampon: No saan a posible a makasubli iti pagtaenganna ti ubing, pannakaampon ti sabali a wagas ti pannakaipaay iti seguridad, kinapermanente, ken ayat ti maysa a familia. Masapul a gibusan nga umuna ti korte dagiti karbengan ti nagannak iti ubing sakbay a maampon ti maysa nga ubing. Iti panagampon, mayakar iti mangampon a nagannak dagiti pagrebbengen kas nagannak manipud iti nagannak a nangipasngay iti ubing. Ammuen ti hues no mabalin nga amponen ti caregiver ti ubing. No edad iti 10 wenno natataeng ti ubing, mabalin a masapul pay ti pamalubosna. Maibilangen ti ubing a kas natural a naipasngay nga anak ti nangampon a nagannak.

Pannakaaywan: Mabalin nga ikonsidera ti CWS ti pannakaipan ti ubing iti sidong ti legal a pannakaaywan nga adda caretaker a siaannugot a mangipaay iti permanente a pagtaengan iti ubing. Adda dagiti karbengan ti nagannak a mayakar iti agay-aywan, nangruna dagiti pakaseknan iti pannakasalaknib ti ubing, edukasion, pannakataripato ken panangtimon, kustodia, ken panangbukel iti desision. Iti pannakaaywan, saan a masapul a magibusan dagiti karbengan ti nagannak. No agtawen ti ubing iti 14 wenno natataeng, mabalin a masapul ti pamalubos ti ubing iti pannakaaywana.

Another Planned Permanent Living Arrangement (APPLA) wenno sabali a naplano a permanente a pannakaurnos ti panagbiag: Mabalin a maiganetget daytoy a panggep para iti agtutubo nga agtawen iti 16 wenno natataeng a no sadino nga adda nakappapati a rason a saan a pagsayaatan ti agtutubo ti agsubli iti pagtaenganna, maipaampon, maiserrek iti pannakaaywan, wenno maipan iti umisu ken mayat a mangala a kabagian.